



同治乙丑春鐫

侯謚全科紫珍集

京江務本堂藏板

原序

予師乃三山之上禪師得傳方士喉科七十二種圖像二十鍼法十八良方瞭然在目依方用藥無有不愈夫人之咽喉乃一身之樞紐百節之關津與肺胃相接呼吸所從出也假若胃膈之間蘊積熱毒致生乳蛾喉中腫痛吞吐不利甚則生重舌雀舌嚤舌之類治法先宜去風痰以通咽膈然後解其熱毒若熱毒上沖帝丁紫腫定生懸癰或腑寒肺熱致上腭不利飲食有礙是內痰上升復成痰結咽喉腫痛不通帝丁或出於前或噎於後學者用藥行針

宜加詳審若或吐綠涎是心膽生氣已絕死在旦夕不可
治也又有纏喉鎖喉等證最爲危險余急用三黃涼膈等
湯口噙冰片玉匙等丸卽日可保方似簡而功效無窮誠
良方也余雖菲才幸列門下深得秘傳之妙故爲之序

黃梅谿述

補遺小序

此書係燕山竇氏原本傳之者爲鄱陽黃梅溪後爲雲陽朱純表秘傳多年喪姪孫翔宇復加增補斯稱大備然皆係鈔本未經刊刻迨嘉慶甲子京江尊仁堂趙氏捐貲刊以壽世始得流傳然於先賢立論諸序以及指南賦均未採入枕積方多年思欲濟世凡有裨於咽喉之證者逐一錄於卷巔不惟補先賢之遺缺亦冀治斯證者得以通變參用耳

嘉慶辛未十月望日靜亭江以枕謹識於紫荊書室之東

窗

重刻紫珍集序

古之爲醫也必有專科惟專故精非苟而已也况曠證尤
關險要性命轉移在呼吸之間非精其業者莫能治也然
向無成書惟燕山竇氏著紫珍集其序不列時代年月吾
郡趙氏與古方彙精同得之於丹陽朱姓均係抄本趙氏
每歲開藥局濟人用其書按證對方按方治病罔不奏效
因捐貲付梓以廣其傳咸豐三年鎮城失守板均燬於兵
火二書顯而復晦不絕如綫李子馨谷將彙精復爲刊行
吾友李君季棠謂是集尤屬秘笈久而就湮必有證治莫

辨以人性命爲嘗試者烏乎可因釀金重刻趙君葵之熟
精醫理復集諸書論治以附其後而喉證可云大備昔人
謂刻人遺集功等於存亡繼絕李君踵趙氏而行之功相
埒矣顧余更有說焉集名紫珍者謂其爲紫府之珍也故
其方藥名皆弔詭旣多珍貴之品且證有猝得而藥有不
能猝辨者是有望於有力者檢方儲備以待不時之需庶
竇氏之方不爲空設而李君重刻終歸實用也已同治四
年夏柳榮宗序

重刻喉科紫珍集序

人生呼吸出入與夫飲食吐納之道莫不出於咽喉喉系下通於肺咽系下通於胃而總會於帝丁以爲兩竅之界其間爲地無多而糟粕之所薰蒸氣機之所升降莫不於是乎在是以受病最易治療亦最難病之淺者湯藥可已其病之重且險者必待針刺灸烙然後可療治之或差禍不旋踵非有專科鮮克有濟紫珍集者喉科之善本也書分上下二卷上列方藥下列咽喉各證遂證而爲之圖明所以施治之要按圖審證按證用方無不應手奏效書中

不著作者姓名亦多不恒經見之方殆秘本也初藏燕山
竇氏其後輾轉以歸於吾邑尊仁堂趙氏趙氏好善舉恒
設局以施藥餌因爲刊以行世咸豐中粵匪肆逆蔓及京
口一時書籍皆燬於火板以是散失余恐是書之久而就
湮也爰邀集同志重加編輯並增訂諸家方論釀金付剞
劂氏以廣其傳雖無補於利濟養人之大或亦衛生壽世
之一助云

同治乙丑仲春丹徒李召猷季棠甫識

喉科論

嘗謂吾人氣機呼吸在喉、瞬息存亡之介亦在於喉、喉之
係於人、蓋甚重矣、胡可令受病哉、顧病之由、起於不遵衛
生者也、或俾熱毒蘊積胸膈、口腹多嗜煎炒、或膏粱厚味
飲食過度、不辭勞苦、貪啖炙煇熱毒之物、受鬱結之氣、感
冒風寒、濕熱內積、痰火上蒸、辛苦越格、種種根源、皆病之
所由以侵於喉、其症七十有二、且如喉痺之害、有陰有陽、
而陰陽之狀、不可不察、紅腫外見者、陽也、誤服辛熱之劑、
謂之以陽攻陽、毒氣愈甚、其爲出生入死之路、欲奏速效、

必不得之數也。如舌色黃黑、飲食阻得、吞吐不利、疼痛難忍、不見紅腫者、陰也。驟服寒涼、尅伐反致生痰、作燥、謂之以陰尅陰、其疾愈甚、致之至於膏盲、縱有明驗、百無一二。此爲醫者施治之大畧也。且人之關鍵惟喉、乃出入之門。其帝丁爲主、庸醫稍犯刀針、人必受死者多矣。嘗聞每有吞吐不利等症、誤認帝丁以作病根、或以刀針屢傷其命、不知其症、不識其形、而以執刀爲戲、若是之愚也。予入門四十餘年、見症多端、治之有異。當察其表裏虛實、起病日數、表者散之、裏者利之、虛者益之、實者瀉之。須觀人之壯

弱氣血盛衰天之四季究其根由對症用藥其於是道也
庶幾得門而入矣

黃帝內經論

呼者因陽出、吸者隨陰入、呼吸之間、肺經主之、喉嚨以下、言五臟爲手足之陰、咽門以下、言六腑爲手足之陽、蓋諸臟屬陰爲裏、諸腑屬陽爲表、以臟者藏也、藏諸神流通者也、腑者府庫也、主納水穀糟粕輪輸者也、自喉以下五臟喉應天象、乃肺之系也、以肺屬金、乾爲天、乾金也、故天之道、其中空長、可以道氣息、但與咽喉並行、其實兩儀而人多惑之、蓋喉爲息道、咽中下水穀、其喉下接肺之氣、一云喉中三竅者、非果三竅、則水穀與氣各從一竅而俱下肺

中肺中無竅何由入穀於下焦內經又云肺爲諸臟之華
蓋藏真高之氣於肺經也故清陽出上竅濁陰出下竅世
人不知保養風寒暑濕燥熱之氣喜怒憂思悲恐驚之情
役冒非正百病生焉病症須尋所自若喉痺乳蛾喉風喉
閉風熱等症當刺則刺當吐則吐不可妄治一失其法則
禍不旋踵矣可不慎哉

重刻喉症全科紫珍集卷一目録

原序

補遺小序

柳序

重刻序

喉科論

黃帝內經論

竇太師喉科論

竇夢麟咽喉論

孫真人喉證論

朱丹溪喉風喉痺論

陳若虛咽喉虛實論

黃甫雲州喉痺論

薛新甫口瘡齒舌證治論

王肯堂咽喉口齒唇舌經脈論

王肯堂咽喉證治論

王肯堂口瘡證治論